

autoritatis nudæ canitiem magis, qvam veritatis colendam putabit planitiem ! Quemadmodum enim JCTI non exemplis inanibus , sed legibus judicando probant : ita Philosophi, veritatis avidi , non autoritatibus , sed rationibus pugnant , atqve hoc pacto verum à falso discernunt. Priscis eqvidem laudes , qvas excellentibus ingenii nervis fuere meriti , haud invideo , memor illius Hispanorum :

*El dotado de aventajado natural merece ser ensalçado con alabanzas.*

Multo minus verò , novitatis percitus cœstro, è Veterum contemptu nominis aliquam spero celebritatem , absit ! Me siqvidem non præterit illud Gallorum : *Gloire vaine assez fleurit, porte feuille, & point de fruit.* Illis tamen , qvi è Veterum canis barbis omnem hauriendam esse σοφίαν existimant , vix ac ne vix qvidem ad stipulari possum :

In